

Pripremni radovi na izgradnji Bloka 7 Termoelektrane Tuzla zvanično počinju, potvrdio je izvršni direktor za kapitalne investicije Javnog preduzeća Elektroprivreda Bosne i Hercegovine Senad Salkić, prenijela je agencija Fena.

Vrijednost pripremnih radova, koje će izvoditi isključivo bosanskohercegovačke kompanije, jeste 17,9 miliona KM (oko 9 miliona eura) bez PDV-a.

Salkić ističe da će izgradnja Bloka 7 predstavljati najveći ekonomski pokretač u BiH.

“Ovo je najveći energetske potencijal za Bosnu i Hercegovinu od 1988. godine kada je u kakanjskoj termoelektrani izgrađen posljednji termoenergetski blok. Prije nekoliko sati izvođači su i zvanično uvedeni u posao. Očekujemo da se u narednih 12 mjeseci radi intenzivna priprema”, podvlači Salkić, piše Fena.

Već 2025. godine Blok 7 trebao bi biti energetske objekat koji će biti stavljen u funkciju energetske sistema u BiH.

“Ovdje će biti izražena značajna smanjena potrošnja uglja. Sve je urađeno prema ekološkim standardima i regulativama Evropske unije. Blok 7 će očuvati prije svega postojeća radna mjesta, a dovest će do novih zapošljavanja”, naglašava Salkić.

Komentirajući pojedine ocjene da bi mnogo isplatinije investicije bile izgradnja manjih blokova umjesto Bloka 7 TE Tuzla, Salkić kaže da takvi blokovi ne bi mogli postići energetske niti ekološku efikasnost.

“Danas se u Evropi grade blokovi 600+ megavata. Budući da i mi imamo energetske potrebu odlučili smo se za izgradnju ovakvog bloka čiji je kapacitet 450 mv i studija izvodivosti je pokazala da je to optimalna vrijednost dok manji blokovi ne bi mogli zadovoljiti ekološke performanse proizvodnje”, pojašnjava Salkić.

Blok 7 će zamijeniti blokove 3, 4 i 5 u tuzlanskoj Termoelektrani, koji trebaju biti ugašeni 2023. godine i čija je ukupna snaga 500 MW, a snaga novog bloka će biti 450 MW.

Cijeli projekt izgradnje Bloka 7, čija je vrijednost procjenjena na 1,5 milijardi KM, trebao bi biti završen do kraja 2024. godine.

Oba doma Parlamenta FBiH su u martu, odnosno u aprilu, odobrila predloženu odluku da Federacija bude garant Elektroprivredi BiH za kredit kod Izvozno-uvozne banke Kine.

Izvor: slobodnaevropa.org